

MOREKIŠI WA VAT WA KA KZN O GOLEGILWE MENGWAGA YE ŠUPA BAKENG SA BOMENETŠA BJA VAT

Pretoria, 12 Matšhe 2019 – Mosadi wa ka KwaZulu-Natal yo a ilego a radia SARS ka palo ya R 4 million, o golegilwe mengwaga ye šupa ka Kgorotshoko ya Selete ya ka Durban ka Labone la go feta.

Moh. Saraspathie Vallee (47) wa ka Chatsworth, mong wa kgwebo ya koporeiti ya go tswalelwa ya Gutterpride Trading, o ipone molato ka bomenetša bja Motšhelo wa Boleng bja go Tlaleletšwa le tlolo ya Molao wa Thibelo ya Bosenyi bja go Beakanywa.

Ka tirišo ya SARS eFiling, o ile a kleima pušetšo ya VAT ya boleng bja R3 972 814 legatong la Gutterpride bakeng sa nako ya motšhelo ya 2014 gomme SARS e be e filwe ditokumente tša thekgo tša bofora go tiišetša kleime. SARS e ile ya fokotša pušetšo morago ga ge metšhelo ya go šalela morago e ile ya likwideitwa ka palo ya R2 484 683.75 gomme e ile ya romelwa go setheo.

Mo matšatšing a mmalwa morago ga ge pušetšo e lefetšwe go akhaonte ya koporeiti ya go tswalelwa, Vallee o dirile dithomelo tše mmalwa go tšwa akhaonteng.

Vallee o ile a ipona molato go ditatofatšo tše pedi go ya ka Karolo ya 112(1)(a) ya Molao wa tshepetšo ya Bosenyi. Setheo sa Gutterpride se ile sa lefišwa faene ya R100 000, gomme se fegilwe sebakanyana bakeng sa sebaka sa mengwaga ye mehlano.

Bjale ka ge dientšene tša SARS tša thibelo ya dikotsi di tšwelapele go kaonafala, re tla tšwelapele go swara bomenetša bja VAT, go tsošološa tshephano mo mokgatlong wa rena, go dira lefelo le lebotse la dikgwebo, le go thekga taolelo ya rena ya go koleka tšhelete yeo e swanetšego go lefelwa mmušo.